

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Nunaqarfinni illoqarfinnilu avinngarusimasuni sanaqateqarluni illuliat sananeqartartut sorliit sanaartugassatut periarfisaatinneqarpat? Illorput type 69, illorput 2000 imaluunniit illorput 2100?**
- 2. Nammineerluni illuliortarnermi isertitat aallaavigalugit 10%-mik akiliutigineqartartoq siunissami allangortinniarneqarpa?**

(Jens Immanuelson, Siumut)

Tunngavilersuut

Paaserusuppara nammineerluni illuliat type sorliit nunaqarfinni isorliunerusunilu sanaqateqarluni illuliarineqartartut atuutinniarneqarnersut. 2007-mi isertitat aallaavigalugit akiliuteqartarneq nunaqarfinni isorliunerusunilu sanaqateqarluni illuliortarnermi atuutinneqalermalli nammineerluni illuliortiterneq kinguariatpoq nunaqarfinni isorliunerusunilu.

Taamaattumik isertitat aallaaviginagit 10% atuutinneqaqqilersinnaanera soqutigalugu apeqquteqatigaara paasigakku nammineerluni illuliortarnermi nunaqarfinni isorliunerusunilu ilaatigut isertitat aallaavigalugit akiliuteqartarneq atuutinneqalermalli illuliortarneq kinguariarsimasoq. Tamanna allangortinneqassanersoq paaserusuppara isertitat immikkut aallaaviginagit nunaqarfinni isorliunerusunilu inissaaleqineq annertusiartuinnassanngippat aaqqiisoqatartartoq isumaqarama.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.